



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE

Numri i lëndës: 2024:094802

Datë: 08.04.2024

Numri i dokumentit: 05554675

P.nr. 589/24

NË EMËR TË POPULLIT

Gjykata Themelore në Prishtinë/Departamenti i përgjithshëm - Divizioni Penal, me gjyqtarin e vetëm gjykues Sabit Sadikaj, me bashkëpunëtorin profesional Asdren Selmani, duke vendosur në çështjen penale kundër të akuzuarit, A.I, për shkak të veprës penale "Posedim i paautorizuar i narkotikëve, substancave psikotrope ose analoge" nga neni 269 paragrafi 2 lidhur me paragrafin 1, të KPRK-së, e akuzuar sipas aktakuzës me kërkesë për shqiptimin e urdhrin ndëshkimor të Prokurorisë Themelore në Prishtinë/Departamentit të Përgjithshëm PP.II.nr.1257/24 te datës: 20.03.2024, gjykata jashtë seancë më datë: 05.04.2024, mori dhe përpiloi këtë:

A K T G J Y K I M

PRANOHET kërkesa e Prokurorisë Themelore në Prishtinë/Departamenti i Përgjithshëm, PP.II.nr.1257/24 te datës: 20.03.2024, si dhe kjo gjykatë konform nenit 495 të KPPRK-së, jep këtë:

URDHËR NDËSHKIMOR

Ndaj të akuzuarës:

A.I, nga i ati A dhe e ëma H, e gjinisë S, e lindur me datën "data e lindjes", ne Prishtine me vendbanim ne lagjen Kodra e Trimave, Prishtine, e pa martuar, ka te kryer shkollën e mesme, e gjendjes se mesme ekonomike, me nr. personal "letërnjoftim", Shqiptare, Shtetas i Republikës së Kosovës.

ËSHTË FAJTORE

S e p s e:

Me datë 07.10.2024, rreth orës 22:17, në rrugën "Bill Clinton" në Prishtinë, e pandehura A.I, pa autorizim ka poseduar substancë narkotike të llojit marihuanë me peshë prej 0.49 gram, në atë mënyrë që gjatë patrullimit ,zyrtarët policor kanë ndaluar veturën "tipi" me targat "targa", brenda së cilës e pandehura ishte pasagjere, me ç 'rast gjatë kontrollit, i është gjetur dhe sekuestruar substanca e tillë narkotike.

*-me këtë ka kryer veprën penale Posedim i paautorizuar i narkotikëve, substancave psikotrope ose analoge nga neni 269 paragrafi 2 lidhur me par.1 të KPRK-së.*

Andaj gjykata në bazë të neneve 4, 7, 17, 38, 43, 81, 82, të KPRK, si dhe neneve 276, 495, 498, 499, të KPPRK-së, të akuzuarës i shqipton:

#### DENIM ME GJOBË

- I. E akuzuara, A.I, dënohet me dënim me gjobë në shumën prej 200 (dyqind) Euro, të cilin dënim e akuzuara obligohet ta paguajë në afat prej 15 ditësh, nga dita e plotfuqishmërisë së këtij aktgjykimi.
- II. Dënimin e shqiptuar me gjobë, të pandehurit mund ta paguajnë deri në 5 (pese) këste mujore në afat kohor prej 3 (tre) muaj, por jo më shumë se një (1) viti nga dita e marrjes së formës së prerë të këtij aktgjykimi.
- III. Nëse dënimi i shqiptuar në të holla nuk mund të ekzekutohet, gjykata dënimin me gjobë në bazë të nenit 43 par 3 të KPRK-së, do ta zëvendësoj me dënim me burg, ku një (1) ditë burgim do të llogaritet me 20 (njëzet) euro gjobë.
- IV. URDHËROHET konfiskimi i përhershëm i substancës narkotike të llojit (marihuanë) ne peshë neto prej, 0.49 gram, konform nenit 269 par.3 të KPRK-së.
- V. Obligohet e akuzuara që të paguaj shpenzimet procedurale dhe atë për paushallin gjyqësor në shumë prej 20.00 (njëzet) Euro, në emër të kompensimit të viktimave të krimit shumë prej 20.00 (njëzetë) Euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënimin e përmbarimit me dhunë.

#### A r s y e t i m i

Prokuroria Themelore në Prishtinë - Departamenti i përgjithshëm, ka ngritur aktakuzën PP.II.nr. 1257/24 te datës: 20.03.2024, ndaj të akuzuarës A.I, për shkak të veprës penale “Posedim i paautorizuar i narkotikëve, substancave psikotrope ose analoge” nga neni 269, paragrafi 2 lidhur me paragrafin 1, të Kodit Penal të Republikës së Kosovës (KPRK) si dhe njëherësh, nga gjykata ka kërkuar dhënien e urdhrin ndëshkimor me kërkesë për shqiptimin e dënimit me gjobe arsyetimin se ka prova të mjaftueshme dhe të besueshme nga kallëzimi penal, që vërtetojnë faktin se e pandehura e ka kryer veprat penale të cilat i vihen në barrë, ose në qoftë se gjykata nuk e shqipton urdhrin ndëshkimor, ka propozuar që të caktojë dhe mbajë seancën e shqyrtimit gjyqësor.

Gjykata pasi shqyrtoi përmbajtjen e aktakuzës me kërkesën për shqiptimin e urdhrin ndëshkimor nga ana e organit të ndjekjes, gjeti se e njëjta është përpiluar në përputhje me nenin 493 te KPPRK-së, andaj erdhi në përfundim se janë plotësuar kushtet nga neni 495 i KPPRK-së, që në

këtë çështje penale pa u mbajtur fare shqyrtimi gjyqësor të marrë vendim për shqiptimin e urdhrin ndëshkimor ndaj të akuzuarës në dispozitiv të këtij aktgjykimi.

Duke u bazuar në këto që u cekën më lartë, gjykata konstaton se e akuzuara, është penalisht përgjegjëse për kryerjen e veprës penale “Posedim i paautorizuar i narkotikëve, substancave psikotrope ose analoge” nga neni 269, paragrafi 2 lidhur me paragrafin 1, të KPRK-së, ngase veprimet e të njëjtës i përmbajnë elementet e kësaj veprë penale, kjo është vërtetuar, duke u bazuar edhe në prova të cilat gjenden në shkresat e lëndës. Kjo gjykatë konsideron se provat e bashkangjitura në shkresat e lëndës si: Kallëzimi Penal me numër të rastit 2023-AD-3690, i datës 21.02.2024, raporti fillestar i incidentit i datës 07.10.2023, procesverbali i marrjes në pyetje të të dyshuarës i datës: 07.10.2023, procesverbali i marrjes në pyetje i dëshmitarit L.Sh i datës 07.10.2023, Raporti i Oficerit i datës 07.10.2023, si dhe shkresat e tjera të cilat gjenden në lëndë. Të gjitha këto janë prova të besueshme mbi bazën e të cilës vërtetohet se e akuzuara e ka kryer veprën penale për të cilën akuzohet dhe rrjedhimisht bazuar në të lartcekurat, gjykata konsideron se edhe me shqiptimin e dënimit me gjobë, ashtu siç është propozuar nga prokurori i shtetit në kërkesën për dhënien e urdhrin ndëshkimor – vërejtjes gjyqësore, mund të arrihen qëllimet e dënimit nga neni 38 i KPRK-së.

Me rastin e shqiptimit të dënimit ndaj të akuzuarës, gjykata i ka marrë për bazë të gjitha rrethanat që ndikojnë në llojin dhe lartësinë e dënimit sipas nenit 69, 70 të KPRK-së.

#### Vendimin mbi konfiskimin e substancës narkotike:

Urdhërimi i konfiskimit të përhershëm i substancës narkotike të llojit kanabis (marihuanë) që përmbanë tetrahidrokanabinol (THC) në peshë neto prej, 0.49 gram, është bërë konform nenit 269 par.3 të KPRK-së, ku nga paragrafi.3 citohet se: “*Substancat narkotike, substancat psikotrope ose substancat analoge konfiskohen*”. Si dhe lidhur me dispozitat e nenit 276 të KPRK-së, pasuria që i nënshtrohet automatikisht konfiskimit nga par.1 citohet se: “*Pasuria që është qenësish e rrezikshme ose e paligjshme i nënshtrohet konfiskimit, në cilëndo fazë të procedurës nga gjyqtari kompetent, pa marrë parasysh fajësinë apo pafajësinë e të pandehurit dhe pavarësisht nëse prokurori i shtetit e ka ndërmarrë apo jo ndonjë veprim për ta konfiskuar pasurinë. Poseduesi, shfrytëzuesi ose i pandehuri nuk ka të drejtë ankese*”, ndërsa nga par.2 pika 2.4 citohet se: *kimikatet, fabrikat, pajisjet laboratorike apo substancat e krijuara apo të përdorura në veprën penale nga nenet 267-274 të Kodit Penal, andaj gjykata mbi bazën e kësaj ka bërë konfiskimin e substancës narkotike.*

Vendimi mbi shpenzimet e procedurës penale dhe paushallit gjyqësor, u mor në bazë të nenit 452, par. 1 të KPRK-së ndërsa lidhur taksën për programin e kompensimit të viktimave u mor komform nenit 39 par 3, pika 3.1, të Ligjit për Kompensimin e Viktimave të Krimit (Ligji nr. 08/L-109).

Nga sa u tha më lart, e në bazë të neneve 364, 365, 452, 462, 493, 495, të KPRK-së, u vendos si në dispozitiv të këtij aktgjykimi.

**GJYKATA THEMELORE PRISHTINE**  
**DEPARTAMENTI I PËRGJITHSHËM , DIVIZIONI PENAL**  
**2024:094802, 08.04.2024**

Bashkëpunëtori Profesional:  
Asdren Selmani

Gjyqtari:  
Sabit Sadikaj

**KËSHILLË JURIDIKE:** E akuzuara ose mbrojtësi i saj, në afat prej tetë (8) ditëve, pas pranimit të këtij aktgjykimi-urdhri ndëshkimorë, mund të paraqesin kundërshtim me shkrim ose me gojë.